



**Nunatsinni nukissiuuteqarnikkut niuernermik ingerlatsiviup, ikummatissanik pilersuivittut ingerlasup pisortanit pigineqartup Polaroil-ip KNI A/S-imit avissaartinneqarluni 1. Januar 2015-mit aallartittumik ingerlatseqatigiiffittut ingerlanneqalernissaa siunertaralugu Naalakkersuisut piareersaataasumik sulissuteqaqqullugit peqquneqarnissaannik Inatsisartut aalajangiiffigisassaattut siunnersuut.**

(Inatsisartuni ilaasortat Knud Kristiansen aamma Gerhardt Petersen, Atassut)  
(Siullermeerneqarnera)

Demokraatini kissaatigaarput pisortat ingerlatseqatigiiffiisa sinneqartooruteqartalernissaat taamaalillutillu inuiaqatigiit aningaasarsiornerannut ilapittuutaalerlutik. Aamma kissaatigaarput pisortanit pigineqartut ingerlatseqatigiiffiit paasiuminarnerusumik ingerlanneqalernissaat, ersarissumik takulluarsinnaajumallugu suut akilersinnaanersut suullu akilersinnaannginnersut. Taamaattmik Inuussutissarsiornermut Ataatsimiititaliaq kaammattussavarput sukumiisumik misissueqqullugu paasiniarlugu sutigut iluaqutaassanersoq sutigullu akornutaassanersoq Polaroilip KNI-mit avissaartinneqassappat. Tamakku paasereerutsigit siunnersuut isummerfigisinnaalissavarput paasissutissat naammattut tunngavigalugit. Siunnersuut suliarilluagassangorlugu Inuussutissarsiornermut Ataatsimiititaliamut innersuupparput.

**Forslag til Inatsisartutbeslutning om at Naalakkersuisut bliver pålagt til at gennemføre det forberedende arbejde med henblik på udskillelse af KNI A/S' energidivision, Polaroil, fra KNI A/S som et selvstændigt selskab med virkning fra 1. januar 2015.**

(Medlemmer af Inatsisartut, Knud Kristiansen og Gerhardt Petersen)  
(1. behandling)

Demokraterne ser gerne, at de offentligt ejede aktieselskaber genererer overskud, og på den måde bidrager til samfundsøkonomien. Vi ser også gerne, at der kommer større gennemsigtighed i de offentligt ejede aktieselskaber, så det bliver mere tydeligt, hvad der er rentabelt, og hvad der ikke er rentabelt. Vi skal derfor opfordre erhvervsudvalget til grundigt at undersøge, hvilke fordele og ulemper, der vil være ved at udskille Polaroil fra KNI. Først når dette er belyst vil vi kunne tage stilling til forslaget på et oplyst grundlag. Forslaget henvises til Erhvervsudvalget til grundig behandling.